

水經注箋卷第三十七

漢 桑欽撰

後魏酈道元注

明 李長庚訂

孫汝澄

朱謀埠箋

李克家仝校

淹水

葉榆水

夷水

油水

澧水

沅水

浪水

淹水出越巂遂久縣徼外

呂忱曰淹水一曰復水也

東南至蜻蛉縣

縣有禺同山其山神有金馬碧雞光景儵忽民多

水經注箋

卷三十七

二百九十七

見之漢宣帝遣諫大夫王褒祭之欲致其雞馬褒

道病而卒是不果焉王褒碧雞頌曰敬移金精神

馬縹碧之雞

王褒碧雞頌曰持節使者敬移金精神馬影影碧雞歸來歸來漢德無疆

黃龍見方白虎仁歸來歸來可故左太冲蜀都賦以爲倫歸來翔兮何事南荒也

曰金馬騁光而絕影碧雞儵忽而耀儀

又東過姑復縣南東入于若水

淹水逕縣之臨池澤而東北逕雲南縣西東北注

若水也

益州葉榆河出其縣北界屈從縣東北流

縣故滇池葉榆之國也漢武帝元封二年使唐蒙

開之以爲益州郡郡有葉榆縣縣西北十里有吊
鳥山衆鳥千百爲群共會鳴呼啁晰每歲七八月
至十六七日則止一歲六至雉雀來吊夜然火而
取之其無噤不食似特悲者以爲義脫一鳥字則不取
也俗言鳳凰死於此山故衆鳥來吊因名吊鳥郭義
恭廣志樸榆縣屬永昌郡有吊鳥山在縣西北八
十里有阜山衆鳥千百羣共會鳴呼啁晰每歲七
月八月晦望至集六日則止歲凡六至雉雀來吊
持悲九州要記云雲南葉榆廢邑吊鳥山有鳥千
百羣飛啁啾一歲必一度大集是鳳凰死也李彤
四部云吊鳥山俗傳鳳死於上每歲七月至九月
羣鳥常來集其處縣之東有葉榆澤葉榆水所鍾而爲此
川藪也

水經注箋

卷三十七

過不韋縣

縣故九隆哀牢之國也有牢山其先有婦人名沙

臺後漢書作沙壹居于牢山捕魚水中觸沉木若有感因

懷孕產十子後沉木化爲龍出水九子驚走一子

不能去背龍而坐龍因挖之後漢書作龍因掘之其母鳥語

謂背爲九謂坐爲隆因名爲九隆及長諸兄遂相

共推九隆爲王後牢山下有一夫一婦生十女九

隆皆以爲妻遂因孳育皆畫身像龍文衣皆著尾

九隆死卅世不與中國通漢建武二十三年王遣

兵乘葦船南下水攻漢鹿崩民後漢書云建武二
十三年其王賢栗

遣兵乘單船南下江漢擊附塞夷鹿芟注云單音薄佳反縛竹木為單以當船也芟音多鹿崩

民弱小將為所擒於是天大震雷疾雨南風漂起

水為逆流波湧二百餘里革船沉沒溺死數千人

後數年復遣六王將萬許人攻鹿崩鹿崩王與戰

殺六王哀牢者老共埋之其夜虎掘而食之明日

但見骸骨驚怖引去乃懼謂其耆老小王曰哀牢

犯徼自古有之今此攻鹿崩輒被天誅中國有受

命之王乎何天祐之明也即遣使道一作越雋奏

獻求乞內附長保塞徼漢明帝永平十二年置為

永平郡永平當作永昌漢郡國志明帝永平十二年分益州置永昌郡罷益州西部都尉

水經注箋 卷三十七 三 四頁二

郡治不韋縣蓋秦始皇徙呂不韋子孫於此故以

不韋名縣北去葉榆六百餘里榆水不逕其縣自

不韋北注者盧倉禁水耳榆水自縣南逕遂久縣

東又逕姑復縣西與淹水合又東南逕永昌邪龍

縣縣以建興三年劉禪分隸雲南於不韋縣為東

北

東南出益州界

葉榆水自邪龍縣東南逕秦藏縣也南與濮水同

注填澤於連然雙栢縣也孫云秦藏漢志作秦臧濮作僕填作滇連然雙

栢二縣名榆水自澤又東北流滇池縣南又東逕同並

縣南又東逕漏江縣伏流出下復出蟆口謂之漏

江左思蜀都賦曰漏江沃流潰其阿汨若湯谷之

揚濤沛若濛汜之湧波諸葛亮之平南中也戰於

是水之南榆水又逕賁古縣北東與盤江合盤水

出律高縣東南盤町山盤町當作盤町漢地志云益州律高縣西石空山出

錫東南盤町山出銀東逕梁水郡北梁水字誤當作里小漢地

志越雋有賁古縣南水廣百餘步深處十丈甚有

瘴氣朱哀之反李恢追至盤江者也華陽國志李恢字德昂建

寧人蜀漢時官安漢將軍建寧太守時牂牁郡丞

朱褒領太守恣睢建興三年諸葛亮南征別遣馬

忠伐牂牁李恢向益州已而禽孟獲平四郡改益

州為建寧以恢為太守領交州刺史移滄味縣

建武十九年伏波將軍馬援上言從麋泠出賁古

擊益州臣所將越駱萬餘人便習戰鬪者二千兵

以上弦毒矢利以數發矢往如雨所中輒死愚以

行兵此道最便蓋承藉水利用為神捷也盤水又

東逕漢興縣山溪之中多生邛竹桄榔樹樹出麩

而夷人資以自給故蜀都賦曰邛竹綠嶺又曰麩

有桄榔博物志云蜀中有樹名桄榔皮裏出屑如麩用

麩用者樹高七八丈其大者一樹出麩

散生不腐盤水北入榆水諸葛亮入南戰於盤中

宋本作是也

水經注箋

卷三十七

入牂柯郡西隨縣北為西隨水又東出進桑關

進桑縣牂柯之南部都尉治也水上有關故曰進

桑關也故馬援言從麋泠水宋本作道出進桑王

國至益州貴古縣轉輸通利蓋兵車資運所由矣

自西隨至交阯崇山接險水路三千里榆水又東

南絕溫水而東南注于交阯

過交阯麋泠縣北分為五水絡交阯郡中至東界復

合為三水東入海東界一作南界

尚書大傳曰堯南撫交阯於禹貢荊州之南垂幽

荒之外故越也周禮南八蠻雕題交阯有不粒食

水經注箋 卷三十七

者焉春秋不見於傳不通於華夏在海島人民鳥

語秦始皇開越嶺南立蒼梧南海交阯象郡漢武

帝元鼎二年始并百越啓七郡於是乃置交阯刺

史以督領之初治廣信所以獨不稱州時又建朔

方郡舊本已始開北至遠交阯於南北至當作北

缺一為子孫交宋本阯也麋泠縣漢武帝元鼎六

年開都尉治交阯外域記曰越王令二使者與宋

作主交阯九真二郡民後漢遣伏波將軍路博德

討越王路將軍到合浦越王令二使者齎牛百頭

酒千鍾及二郡民戶口簿詣路將軍乃拜二使者

爲交趾九真太守主諸雒將主民如故交趾郡

州本治於此也州名爲交州後朱鸞雒將于名詩

索麋泠雒將女名徵側爲妻後漢書徵側者鹿泠雒將之女也嫁爲朱

鸞人詩側爲人有膽勇將妻起賊攻破州郡服諸

雒將皆屬徵側爲王治麋泠縣得交趾九真二郡

民二歲調賦後漢遣伏波將軍馬援將兵討側詩

走入金溪究三歲乃得爾時西蜀並遣兵共討側

等悉定郡縣爲令長也山多大蛇名曰髯蛇長十

丈圍七八尺常在樹上伺鹿獸鹿獸過便低頭繞

之有項鹿死先濡令濕訖便吞頭角骨皆鑽皮出

水經注箋 卷三十七 六 三九

山夷始見蛇不動時便以大竹籤籤蛇頭至尾殺

而食之以爲珍異故楊氏南裔異物志曰髯惟大

蛇既洪且長采色駁犖其文錦章食豕吞鹿腴成

養創賓享嘉宴是豆是觴言其養創之時肪腴甚

肥搏之以婦人衣投之則蟠而不起走便可得也

此二水左水東北逕望海縣南建武十九年馬援

征徵側置又東逕龍淵縣北又東合南水自麋泠

縣東逕封溪縣北交州外域記曰交趾昔未有郡

縣之時土地有雒田其田從潮水上下民墾食其

田因名爲雒民設雒王雒侯主諸郡縣縣多爲雒

將雒將銅印青綬後蜀王子將兵三萬來討雒王
雒侯服諸雒將蜀王子因稱爲安陽王後南越王
尉他舉衆攻安陽王安陽王有神人名臯通下輔
佐爲安陽王治神弩一張一發殺三百人南越王
知不可戰却軍任武寧縣按晉太康記縣交阯謝
一本作縣越遣太子名始降服安陽王稱臣事之
安陽王不知通神人遇之無道通便去語王曰能
持此弩王天下不能持此弩者亾天下通去安陽
王有女名曰眉珠見始端正珠與始交通始問珠
令取父弩視之始見弩便盜以鋸截弩訖便逃歸

水經注箋

卷三十七

七

三百九十五

報越王越進兵攻之安陽王發弩弩折遂敗安陽
王下船逕出於海今平道縣後王宮城見有故處
晉太康地記縣屬交阯越遂服諸雒將馬援以西
南治遠路逕千里分置斯縣治城郭穿渠通道漑
灌以利其民縣有猩猩獸形若黃狗又狀類純人
面頭顏端正善與人言音聲麗妙如婦人好女對
語交言聞之無不酸楚其肉甘美可以斷穀窮年
不厭又東逕浪泊馬援以其地高自西里進屯此
又東逕龍淵縣故城南又東左合此水建安二十
三年立州之始蛟龍蟠編於水南北二津故改龍

淵以龍編為名也盧循之寇交州也交州刺史杜
惠度率水步晨出南津以火箭攻之燒其船艦一
時潰散循亦中矢赴火而死於是斬之傳首京師
惠度以斬循勳封龍編侯劉欣期交州記曰龍編
縣功曹左飛曾化為虎數月還作吏既言其化亦
化無不在牛哀易虎不識厥兄當其革狀安知其
譌變哉其水又東逕曲易縣孫云曲易當作由易漢志交趾郡有由易
縣師古曰易古陽字東流注于浪鬱克家云浪鬱當作浪鬱經言於郛
東界復合為三水此其一也其次一水東逕封谿
縣南又西南逕西于縣南又東逕羸樓縣北又東

水經注箋 卷三十七

逕北帶縣南又東逕稽徐縣涇水注之水出龍編
縣高山東南流入稽度縣注于中水中水又東逕
羸樓縣南孫云羸樓音蓮箋交州外域記曰本縣交趾郡
治也林邑記曰縣本自交趾南行都官塞浦出焉
其水自縣東逕安定縣北帶長江江中有越王所
鑄銅船潮水退時人有見之者交州記云越人鑄銅為船在安定江
潮退時見其水又東流隔水有泥黎城言阿育王所築
也又東南合南水南水又東北逕九德郡北交州
外城記曰克家云當作外域交趾郡界有扶嚴究在郡之
北隔渡一江卽是水也江水對交趾朱蘇縣又東

逕浦陽縣北又東逕無功縣北

孫云無功漢志作無切

建武

十九年九月馬援上言臣謹與交趾精兵萬二千

人與大兵合二萬人船車大小二千艘自入交趾

於今為盛十月援南入九真至無功縣賊渠降進

入餘發

孫云餘發縣名

渠帥朱伯棄郡入深林巨藪犀

象所聚羣牛數千頭時見象數十百為羣援又分

兵入無編縣王莽之九真亭至居風縣帥不降並

斬級數十百九真乃清

謝云當作靖

其水又東逕勾漏

縣縣帶江水江水對安定縣林邑記所謂外越安

定縣紀粟者也縣江中有潛牛形似水牛上岸鬪

水經注箋

卷三十七

九

三五

角軟還入江水角堅復出又東與北水合又東注

鬱亂流而逝矣此其三也平撮通稱同歸鬱海故

經有入海之文矣

夷水出巴郡魚復縣江

夷水即狼山清江也水色清照十丈分沙

後漢書注引此

注云分沙石

蜀人見其澄清因名清江也昔廩君浮土

舟於夷水據捍關而王巴是以法孝直有言魚復

捍關臨江據水實益州禍福之門夷水又東逕建

平沙縣縣有巫城南岸水山道五百里其水歷縣

東出焉

東南過狼山縣南

埤披前漢地志狼山縣屬武陵郡後漢郡國志狼山屬南郡晉地理

志狼山屬宜都郡

夷水自沙渠入縣水流淺狹裁得通船東逕難留城南城卽山也獨立峻絕西面上里餘得石穴把火行百許步得二大石磧並立穴中相去一丈俗名陰陽石陰石常濕陽石常燥每水旱不調居民作威儀服飾往入穴中旱則鞭陰石應時雨多雨則鞭陽石俄而天晴相承所說往往有效但捉鞭者不壽人頗惡之故不爲也東北面又有石室可容數百人每亂民入室避賊無可攻理因名難留

水經注箋

卷三十七

十

三百九十一

城也昔巴蠻有五姓未有君長俱事鬼神乃共擲劍於石穴約能中者舉以爲君巴氏子務相乃中之又令各乘土舟約浮者當以爲君唯務相獨浮因共立之是爲廩君乃乘土舟從夷水下至鹽陽鹽水有神女謂廩君曰此地廣大魚鹽所出願留共居廩君不許鹽神暮輒來宿旦化爲蟲羣飛蔽日天地晦冥積十餘日廩君因伺便射殺之天乃開明廩君乘土舟下及夷城夷城石岸嶮曲其水亦曲廩君望之而歎山岨爲崩廩君登之上有平石方二丈五尺因立城其傍而居之四姓臣之死

精魂化而為白虎故巴氏以虎飲人血遂以人祀
鹽水即夷水也又有鹽石即鹽陽石也盛弘之以
是推之疑即廩君所射鹽神處也將知是陰石是
對陽石立名矣事既鴻古難為明徵夷水又東逕
石室在層巖之上石室南向水出其下懸崖千仞
自水上逕望見每有陟山嶺者扳木側足而行莫
知其誰村人駱都小時到此室邊採蜜見一僊人
坐石牀上見都凝矚不轉都還招村人重往則不
復見鄉人今名為僊人室袁崧云都孫昔尚孝

當作夷水又東與溫泉三水合大溪南北夾岸有

水經注箋 卷三十七 十一

溫泉對注夏煖冬熱上常有霧氣瘍疾百病浴者
多愈父老傳此泉先出鹽于今水有鹽氣夷水有
鹽水之名此亦其一也夷水又東逕狼山縣故城
南縣即山名也孟康曰音恒出藥草恒山今世以
銀為音也舊武陵之屬縣南一里即清江東注矣
南對長楊溪溪水西南潛穴穴在射堂射宋本
作村東
六七里谷中有石穴清泉潰當作流三十許步復
入穴即長楊之源也水中有神魚大者二尺小者
一尺居民釣魚先陳所須多少拜而請之拜訖投
釣餌得魚過數者水輒波湧暴風卒起樹木摧折

水側生異花路人欲摘者皆當先請不得扳宋本

取水源東北之風井山廻曲有異勢穴口大如盆

袁崧云夏則風出冬則風入春秋分則靜余往觀

之其時四月中去穴數丈須臾寒慄當作慄卒至六

月中尤不可當往人有冬過者置笠穴中風吸之

經月還步楊溪得其笠則知潛通矣其水重源顯

發北流注于夷水此水清冷甚於大溪縱暑伏之

辰尚無能澡其津流也縣北十餘里有神穴平居

無水時有渴者誠啓請乞輒得水或戲求者水終

不出縣東十許里至平樂村又有石穴出清泉中

水經注箋

卷三十七

有潛龍每至大旱平樂村左近村居輦草穢著穴

中龍怒須臾水出蕩其草穢傍側之田皆得澆灌

從平樂順流五六里東亭村北山甚高峻上合下

空空微東西廣二丈許高起如屋中有石林甚整

頓傍生野韭人往乞者神許則風吹別分隨偃而

輪孫云當作不得過越不偃而輪輒凶往觀者去

時特平暨處自然恭肅矣

又東過夷道縣北

夷水又東逕虎灘岸石有虎像故因以名灘也夷

水又東逕釜瀨其石大者如釜小者如刀斗形色

亂真雜石中耳夷水又東北有水注之其源百里
與丹水出西南望州山山形竦峻峰秀甚高東北
白巖壁立西南小演通行登其頂平可有三畝許
上有故城城中有水登城望見一州之境故名望
州山俗語訛今名武鍾山山根東有湧泉成溪卽
丹水所發也下注丹水天陰欲雨輒有赤氣故名
曰丹水矣丹水又逕亭下有石穴甚深未嘗測其
遠近穴中蝙蝠大者悉一作大者如鳥多倒懸玄中記曰
蝙蝠百歲者倒懸得而服之使人神僊穴口有泉
冬溫夏冷秋則入藏春則出遊民至秋闌斷水口

水經注箋

卷三十七

十三

三百九十五

得魚大者長四五尺骨軟肉美異於餘魚丹水又

逕其下積而爲淵淵有神龍每旱村人以芮草脫

投淵上流魚則多死龍怒當時大雨宜都山川記云鄉下村有

兩岸石上有虎跡甚多或深或淺皆悉成就自然

成當作非人工丹水又北注于夷水水色清澈與

大溪同夷水又東北逕夷道縣北而東注

東入于江

夷水又逕宜都北東入大江有涇渭之比亦謂之
恨山北溪水所經皆石山路無土岸其水虛曠俯

視遊魚如乘空也。淺處多五色石，冬夏激素飛清，傍多茂木，空岫靜夜聽之，恒有清響，百鳥翔禽哀鳴相和，巡頽浪者不覺疲而忘歸矣。

油水出武陵孱陵縣西界，東過其縣北。

據宋本補五字

縣有白石山，油水所出，東逕其縣西，與泥水合水出高城縣泥山，東逕其縣下，東至孱陵縣入油水也。縣治故城王莽更名孱陵也。劉備孫夫人權妹也，又更修之，其城背油向澤。

又東北入于江。

油水自孱陵縣之東北逕公安縣西，又北流注于

水經注箋

卷三十七

十四

三百四十一

大江

澧水出武陵充縣西，歷山東，過其縣南。

澧水自縣東逕臨澧零陽二縣，故界水之南岸，白石雙立，厥狀類人，高各三十丈，周四十丈，古老傳言昔充縣尉與零陽尉共論封境，因相傷害化而為石，東標零陽西碣，充縣廢，省臨澧，即其地。縣臨封縣之故，治臨側澧水，即為縣名。晉太康四年置澧水，又東茹水注之，水出龍茹山，水色清澈，漏石分沙，莊辛說楚襄王所謂飲茹溪之流者也。茹水

東流澧水

克家云當作東流入澧水

又東過零陽縣之北

澧水東與溫泉水會水發北山石穴中長三十丈

冬夏沸湧常若湯焉溫水南流注于澧水澧水又

東合零溪水源南出陵陽之山孫云陵陽當作零陽歷溪北

注澧水澧水又東九渡水注之水南出九渡山山

下有溪又以九渡為名山獸咸飲此水而逕越他

津皆不飲之九渡水北逕僊人樓下傍有石形極

方峭世名之為僊樓水自下歷溪曲折逶迤傾注

行者間關每所褰泝山水之號蓋亦因事生焉九

渡水又北流注于澧水澧水又東婁水入焉水源

水經注箋

卷三十七

出巴東界東逕天門郡婁中縣北又東逕零陽縣

注于澧水澧水又東逕零陽縣南蘊郡零溪以著

稱矣澧水又逕澧縣孫按下文當作澧陽縣右會澧水出

建平郡東逕澧陽縣南晉太康中置澧水又左合

黃水黃水出零陽縣西北連巫山溪出雄黃頗有

神異採常以冬月祭祀鑿石深數丈方得佳黃故

溪水取名焉黃水北流注于澧水澧水又東注澧

水謂之澧口澧水又東逕澧陽縣南南臨澧水晉

太康四年立天門郡治也吳永安六年武陵郡有

嵩梁山高峰孤竦素壁千尋望之若亭有似香爐

其山洞開玄朗如門高三百丈廣二百丈孫休以

為嘉祥分武陵置天門郡澧水又東歷層步出高

秀特宋本作又東歷層步山高秀特出山下有峭澗泉流所發南

流注于澧水

又東過作唐縣北漢郡國志武陵郡有作唐縣

作唐縣後漢分孱陵縣置澧水入縣左合涔水水

出西北天門郡界南流逕涔評屯屯竭涔水溉田

數千頃又東南流注于澧水澧水又東澹水出焉

澧水又南逕故郡城東東轉逕作唐縣南澧水又

東逕安南縣南晉太康元年分孱陵立澹水注之

水經注箋 卷三十七

水上承澧水於作唐縣東逕其縣北又東注于澧

謂之澹口王仲宣贈孫文始詩曰悠悠澹澧者也

澧水又東與赤沙湖水會湖水北通江而南注澧

謂之決口克家云疑作湖口澧水又東南注于流水宋本作澧

水曰澧口蓋其枝瀆耳離騷曰沅有芷兮澧有蘭

又東至長沙下雋縣西北東入于江

澧水流注于洞庭湖俗謂之曰澧江口也

沅水出牂柯且蘭縣為旁溝水又東至鑛成縣為沅

水東逕無陽縣舊本此六字作沅文據宋本是經文今改正

無水出故且蘭南流至無陽故縣漢地理志武陵郡有無陽縣

云無水首受故且蘭南入沅八百九十里後漢省無陽縣故云無陽故縣對無水因以

氏縣無水又東南入沅謂之無口沅水東逕無陽

縣南臨運水水源出東南岸許山西北逕其縣南

流注于熊溪熊溪南帶移山山本在水北夕中風

雨旦而山移水南故山以移為名蓋以蒼梧郁州

佐山之類也熊溪下注沅水沅水又東逕辰陽縣

縣有龍溪水南出于龍橋宋本作嶠之山北流入于沅

水又一淦水注之南出扶陽之山北流會于沅沅

水又東與序溪合水出義陵郡義陵縣酈梁山西

北流逕義陵縣王莽之建平縣也治序溪其城劉

水經注箋

卷三十七

備之秭歸焉出五溪綏撫蠻夷亮率諸蠻所築也

秭歸以下有脫誤按蜀志云先王東征吳遣侍中馬良入武陵招納五溪蠻夷渠帥皆受印號

咸如意指所治序溪最為沃壤良田數百頃特宜稻修

作無廢又西北入于沅沅水又東合柱水水導源

柱溪北流注沅沅水又東逕辰陽縣南東合辰水

水出縣三山谷東南流獨母水水源南出龍門山

歷獨母溪北入辰水辰水又逕其縣北舊治在辰

水之陽故即名焉楚辭所謂夕宿辰陽者也王莽

更名會真矣今漢州志作會亭辰水又右會沅水名之為

辰溪口武陵有五溪謂雄溪楠溪力溪無溪酉溪

宋書說五溪曰雒溪楠溪酉溪無溪辰溪而無力溪二字辰溪其一焉夾溪悉

是蠻左右所居故謂此蠻五溪蠻也水又經沅陵縣西有武溪源出武山與酉陽分山水源石上有盤瓠跡猶存矣盤瓠者高辛氏之畜狗也其毛五色高辛氏患犬戎之暴乃募天下有能得犬戎之將軍吳將軍頭者妻以少女下令之後盤瓠遂銜吳將軍之首於闕下帝大喜未知所報女聞之以爲信不可違請行乃以配之盤瓠負妻入南山上石室中所處嶮絕人跡不至帝悲思之遣使不得進經二年生六男六女盤瓠死因自相夫妻織績

水經注箋

卷三十七

十八

四百七化

木皮染以草實好五色衣裁置皆有尾其母白帝賜以名山其後滋蔓號曰蠻夷今武陵郡夷卽盤瓠之種落也其狗皮毛嫡孫世寶錄之武水南流注于沅沅水又東施水注之水南出施山溪源有陽欺崖崖色純素望同積雪下有二石先有人居處其間細泉輕流望川競注故不可以言也施水北流會于沅沅水又東逕沅陵縣北漢故頃侯吳陽之邑也王莽改曰沅陸縣北枕沅水沅水又東逕縣故治北移縣治縣之舊城置都尉府因岡傍阿勢盡川陸臨沅對酉二川之交會也酉水導源

益州巴郡臨江縣故武陵之充縣西源山東南流

陽故縣南又東逕遷陵故縣界陽故縣上缺一無

陵郡有無陽遷陵二縣相近後漢志省無陽晉太

康地志有舞陽云卽無陽也後漢晉宋地志武陵

郡有遷陵南齊地志無遷陵矣與西鄉溪合卽延江之枝津更始

之下流謂之西鄉溪口西水又東逕遷陵縣故城

比王莽更名曰遷陸也西水東逕西陽故縣南縣

故酉陵也西水又東逕沅陵縣北又東南逕潘承

明壘西承明討五溪蠻營軍所築吳志潘濬字承

蠻夷叛亂盤結孫權假濬節督諸軍討其城跨山

枕谷西水又南注沅水闕駟謂之受水其水所決

水經注箋 卷三十七 十九

入名曰酉口沅水又逕竇應明城側應明以元嘉

初伐蠻所築也沅水又東溪水南出茗山一作沅

東溪溪水南出茗山山深迴嶮人獸咀絕溪水北瀉沅川水

沅水又東與諸魚溪水合水北出諸魚山山與天

門郡之澧陽縣分嶺溪水合南流會于沅沅水又

東夷水入焉水南出夷山北流注沅夷山東接胡

頭山後漢書作蓋山高一百里廣圓三百里山下

水際有新息侯馬援征武溪蠻停軍處胡頭徑曲

多險其中紆折千灘援就壺頭希效早成道遇瘴

毒終沒於此忠以舊本作公獲謗信可悲矣後漢書世祖遣馬援

征五溪蠻夷軍次下雋有兩道可入從壺頭則路近而水險從充則塗夷而運遠援以為從克則棄日費糧不如進壺頭搃其喉咽克賊自破乃進營壺頭賊乘高守隘水疾船不得上會暑甚士卒多疫死援亦中病遂因梁松宿懷與援不平遂因事陷之援卒後帝追收新息侯印綬妻孥惶懼不敢以喪還

舊瑩 劉澄之曰沅水自胡頭枝分跨三十三渡

逕交阯龍編縣東北入于海脉水尋梁乃非關究但古人許以傳疑聊書所聞耳

又東北過臨沅縣南

臨沅縣與沅南縣分水

後漢郡國志武陵郡有沅南縣建武二十六年置

沅南縣西有夷望山孤竦中流浮嶮回絕昔有蠻民避寇居之故謂夷望也南有夷望溪水南出重

水經注箋

卷三十七

二十

四百七十

山遠注沅沅水又東得關下山東帶關溪瀉注沅瀆沅水又東歷臨沅縣西為明月池白壁灣灣狀半月清潭鏡澈上則風籟空傳下則泉響不斷行者莫不擁楫嬉游徘徊愛玩沅水又東歷三石澗鼎足均峙秀若削成其側茂竹便娟致可玩也又東帶綠蘿山頽巖臨水懸蘿釣渚漁詠幽谷浮響若鍾

御覽引水經注云綠蘿蒙幕積巖臨水實釣渚魚詠之勝地其迭響若鍾音信為神仙之所居

沅水又東逕平山西南臨沅水寒松上蔭清

泉下注栖託者不能自絕於其側沅水又東逕臨

沅縣南縣南臨沅水因以為名

荆州記臨沅縣南臨沅水水源出牂

柯且蘭縣至郡界分爲五谿王莽更之監沅縣也縣南有晉徵

士漢壽詩宋本作人龔玄之墓銘太元中車武子立縣

治武陵郡下本楚之黔中郡矣秦昭襄王二十七

年使司馬錯以隴蜀軍攻楚割漢北與秦至三十

年又取楚巫黔及江南地以爲黔中郡漢高祖二

年割黔中故治爲武陵郡王莽更之達平都也宋本

作建平郡南對沅南縣後漢建武中所置也縣在沅水

之陰因以沅南爲名縣治故城昔馬援討臨鄉所

築也沅水又東歷小灣謂之枉渚渚東里許便得

枉人山山西帶循溪一百餘里茂竹便娟披溪蔭

水經注箋 卷三十七 二十一

渚長川逕引遠注於沅沅水又東入龍陽縣有澹

水出漢壽縣西楊山南流東折逕其縣南縣治索

城卽索縣之故城也漢順帝陽嘉中改從今名闕

駟以爲興水所出東入沅而是水又東歷諸湖方

南注沅亦曰漸水也水所入之處謂之鼎口沅水

又東歷龍陽縣之汜洲舊本作洲洲長二十里吳丹

陽太守李衡植柑于其上臨死勅其子曰吾洲里

有木奴千頭不責衣食歲絹千疋太史公曰江陵

千樹橘可當封君此之謂矣吳末衡柑成歲絹千

疋今洲上猶有陳根餘枿蓋其遺也沅水又東逕

龍陽縣北城側沅水又東合壽溪內通大溪
口有木連理根各一岸而凌室交合其上承諸湖
下注沅水

又東至長沙下雋縣西北入于江

沅水下注洞庭湖方會於江

浪水出武陵鐔城縣北界沅水谷

孫云山海經注浪音銀鐔城漢志作

鐔成

山海經曰禱過之山浪水出焉而南流注于海是也

南至鬱林潭中縣與鄰水合

水經注箋

卷三十七

二十三

三百四十一

水出無陽縣故鐔城也晉義熙中改從今名俗

謂之移溪溪水南歷鐔中

克家云當作潭中

注于浪水

又東至蒼梧猛陵縣為鬱溪又東至高要縣為大水

鬱水鬱林之阿林縣東逕猛陵縣猛陵縣在廣信

之西南王莽之猛陸也浪水於縣左合鬱溪亂流

逕廣信縣地理志曰蒼梧郡治武帝元鼎六年開

王莽之新廣郡縣曰廣信亭王氏交廣春秋曰元

封五年交州自羸樓縣移治於此建安十六年吳

遣臨淮步騭為交州刺史將武吏四百人之交州

道路不通蒼梧太守長沙吳臣擁眾五千騭疑

於臣先使論臣臣迎之於零陵遂得進州臣既納
騰而後有悔騰以兵少恐不存立臣有都督區景
勇略與臣同士為用騰惡之陰使人請臣臣往告
景勿詣騰騰請不已景又往乃於廳事前中庭俱
斬以首徇眾即此也鬱水又逕高要縣晉書地理
志曰縣東去郡五百里刺史夏避毒徙縣水居也
縣有鵠奔亭廣信蘇施妻始珠鬼訟於交州刺史
何敞處事與蒼亭女鬼同

搜神記云九江何敞為交州刺史行部到蒼梧

高要宿鵠奔亭夜半有一女子自稱蘇娥字始珠
廣信人嫁施氏夫死有雜繒帛百二十四匹及婢一
人名致富欲之傍縣賣繒賃牛車一乘到此亭為
亭長龔壽所殺刺致富亦死掘樓下合埋之取財

水經注箋

卷三十七

物去無所告訴故來自歸于明使君敞乃遣吏捕
問具服弁其父母兄弟皆斬之謝承後漢書海記
事同但作鵠 王氏交廣春秋曰步騰殺吳臣區景
巢亭為異

使嚴舟船合兵二萬下取南海蒼梧人衡毅錢博
宿臣部伍興軍途騰於蒼梧高要峽口兩軍相逢
於是遂交戰毅與眾投水死者千有餘人

又東至南海番禺縣西分為二其一南入于海

鬱水分浪南注

其一又東過縣東南入于海

浪水東別逕番禺山海經謂之賁禺者也交州治
中合浦姚文式問云何以名為番禺答曰南海郡

昔治在今州城中與番禺縣連接今入城東南偏
有水坑陵城倚其上聞此縣人名之爲番山縣名
番禺儻謂番山之禺也漢書所謂浮牂柯下離津
同會番禺蓋乘斯水西入越也秦并天下略定楊
越置東南一尉西北一候開南海以謫徙民至二
世時南海尉任囂召龍川令趙他日聞陳勝作亂
豪桀叛秦吾欲起兵阻絕新道番禺負嶮可以爲
國會病綿篤無人與言故召公來告以大謀囂卒
他行南海尉事則拒關門設守以法諫秦所置吏
以其黨爲守自立爲王高帝定天下使陸賈就立

水經注箋

卷三十七

二十四

四十三

他爲越王剖符通使至武帝元鼎五年遣伏波將
軍路博德等攻南越王五世九十二歲而亡以其
地爲南海蒼梧鬱林合浦交阯九真日南也建安
中吳遣步騭爲交州騭到南海見土地形勢觀尉
他舊治處負山帶海博敞渺目高則乘土

當作桑土禹貢

所謂桑土既蠶蓋交廣歲有八蠶故也

下則沃衍林麓鳥獸于何不

有海怪魚鼈黿鼉鮮鱈珍怪異物千種萬類不可
勝記他因岡作臺北面朝漢圓基千步直峭百丈
頂上三畝復道迴環逶迤曲折朔望升拜名曰朝
臺前後刺史郡守遷除新至未嘗不乘車升履於

焉道遙躡登高遠望觀巨海之浩茫觀原藪之

阜乃曰斯誠海島膏腴之地宜為都也宋本建安

二年遷州番禺築宋本立城郭綏和百越遂

集交州治中姚文式問答云朝臺在州城東

北三十里裴淵廣州記曰城北有尉他墓墓後有

大岡謂之馬鞍岡秦時占氣者言南方有天子氣

始皇發民鑿破此岡地中出血今鑿處猶存以狀

取目故岡受厥稱焉王氏交廣春秋曰越王趙他

生有奉制稱藩之節死有秘異宋本神密之墓他

之葬也因山為墳其壠塋可謂奢大葬積珍玩吳

水經注箋 卷三十七 二五 四百三化

時遣使發掘其墓求索棺柩鑿山破石費日損力

卒無所獲他雖奢僭慎厥一作其身乃令後人不

知其處有似松喬遷景牧豎固無所殘矣鄧德明

南康記曰昔有盧耽仕州為治中少棲僊術善解

雲飛每夕輒凌虛歸家曉則還州嘗於元會至朝

不及朝列化為白鵠至閣前迴翔欲下威儀以石

擲之得一隻履耽驚還就列內外左右莫不駭異

時步騭為廣州意甚惡之便以狀列聞遂在誅滅

舊本作遂廣州記稱吳平晉盧循為刺史循鄉人

至誅滅語循鰓鬚長一赤循以為虛責其人乃至東海取

鰕鬚長四赤速送示循循始復謝厚爲遣其一
南入者鬱川分派逕四會入海也其一卽川東別
逕番禺城下漢書所謂浮牂柯下離津同會番禺
蓋乘斯水而入于越也浪水又東逕懷化縣入于
海水有鰕魚裴淵廣州記曰鰕魚長二丈大數圍
皮皆鱗物生子子小隨母覓食驚則還入母腹吳
錄地理志曰鰕魚子朝索食暮入母腹南越志曰
暮從臍入旦從口出腹裏兩洞腸貯水以養子腸
容二子兩則四焉其餘又東至龍川水爲涅水屈
北入員水浪水枝津衍注自番禺東歷增城縣南

水經注箋

卷三十七

二十六

三百十一

越志曰縣多鷄鷄鷄鷄山雞也光色

孫云當作毛色

鮮明

五色眩耀利距善鬪世以家鷄鬪之則可擒也又
逕博羅縣西界龍川左思所謂目龍川而帶桐者
也趙他乘此縣而跨據南越矣
員水又東南一千五百里入南海

東歷揭陽縣王莽之南海亭而注于海也

水經注箋卷第三十七